

Pilipi

Galagât den.

¹ Galalupnetŋe, net Paulo akto Timoteo net Yesu Kristogât hoŋ bawa manmâ gaet. Netŋe Pilipi kepia Yesu Kristogât kâmot ye akto yengât damunlupyene yengât kulem ire kat yengiwêrâm kulemgoet. Kulemgom katetŋe mem oyaŋmâ nâŋgâm heŋgemgoweï.

² Ewenenŋe Anutu akto Humonenŋe Yesu Kristo yâkŋe damunyene akmâ okot âlep akyengimbela biwiyene sândugeâkgât ulilaŋmaet.

Pauloŋe Pilipi yengât akmâ Anutu ulilaŋep.

³ Nâ yengât Anutu ulilaŋberâm âmâ Anutuŋe wan me wan akyengimbo manman âlepŋe akmâ manmai aregât Anutu âlepŋerâm mepaimŋe me-man.

⁴ Nâŋe ye hârokgât hokboâk hokboâk ulilaŋman âmâ ainâk yengât pat nâŋgâm arekŋeak biwinân miawakto heronŋe akman.

⁵ Akto yeŋe nâ den pat âlepŋe makyengim man-mangât hokboâk hokboâk tân nugum gambiâ huragumap aregât heronŋe akman. Akto Anutuŋe wan akyengiep aregât mepai aŋmâ heronŋe akmâ ulilaŋman.

⁶ Akto areâk bo. Anutuŋe yengâlân âi keiŋe kalepgât mem metembo Yesu Kristoŋe purik katmâ miawakbiapgât sopŋe miawakto ain ye huraguwaigât nâŋgân. Amâ Anutuŋe ye huragum kinbaigât dâp nâŋgâmap.

⁷ Galalupne, nâ ye hain nângâ yengiman aregât nângâre huragumap. Akto Anutune nekto ârândân akmap. Amâ hingât. Nâ den pat âlepne makyengire siânbañe den aregât hâkân akmâ kala busi kâlegen katnegi. Akto den pat âlepne bunjerâm siânbañe makbiâ den pat âlepne are gewop dâm âi humo mem malân. Aregât Anutune nâ tân nugumap yâkne ye hainâk tân yengumap aregât nâ yengât okot âlep nângân.

⁸ Galalupne, ire maktere Anutune ekto bunne aktâp. Yesu Kristone okot âlep akyengimap dop hainâk nâkai ye okot âlep akyengiman.

⁹ Are hainâk humo akmâ âgâwipgât ulilândân. Hingât ulilândân. Wan me wan bâlene me âlepne are oyanmâ potatmâ âmâ okotyene dondâ nângâ angiwaigât ulilândân.

¹⁰ Ye hain akbai âmâ benne yeñe wan me wan bunne dondâ potatmâ hengemgowai âmâ Kristo miawakbiap sop ain ye biwi salek salek dosa bâlâk manbai.

¹¹ Akto Yesu Kristone tân yengumbo wan me wan bunne ârândân unsambe olowâk mem manbai. Hain akbiâ bikñande yekmâ Anutugât kotne mem agatbiâ kot akto pagaleñe humo talañmâ âgâwiâp.

Bikñande ewangi gowangiân den pat âlepne makyengi.

¹² Galalupne, pâpkowâigât nune keine makyengire nângâñet. Nâ den pat âlepne maktere aregât kala busi kâlegen katnegi are nângâmbiâ biwiyeñe bo bâliwiâp. Bo. Iren nâ siâ siâ miawakniñep are âmâ pat âlepñaet dâp miawakmâ hengemgowiap dâm aregât miawagep.

¹³ Amâ hin. Nâ Kristogât âi mendere aregât kala busi kâlegen katnegi. Den pat are tembe loko in mandâi arekne hârokne nângâyi. Haminân kepia hârok nângâyi.

¹⁴ Akto kala busi kâlegen katnegi aregât galalupne bikñande ulikñân hamewâk mali arekne Humogât nângâm owâi aṇmâ Anutugât den pat hamep bâlâk makyenḡim mandâi.

¹⁵ Akto hinne kâmot lâuwâ miawaktâp amâ hin. Luâk bikñande Kristogât pat makberâm âmâ nângât nângâmbiâ gemap akto ewangiak gowanḡiak kakñân makmai.

¹⁶⁻¹⁷ Hain akmâ nâ yu kala busi kâlegen mandân ire hâk hilâlâm kakñânâk ninberâm hianḡim Kristogât kot makmâ sambelem yenjaet nângâmbiâ humo akmap. Hain akmâ kotyeṇe mem agatberâm akto Yesugât kâmot potalakñetgât Kristogât den makmai. Dâ bikñande âmâ hain bo akmai. Arekne âmâ nâ den pat âlepne yaigoman aregât kala busi kâlegen katnegi are nângâm han okot âlep akniṇmâ den pat âlepne makmai.

¹⁸ Are nângâm âmâ hanâk Yesugât keiṇe biwiyeṇande bunṇe bo makyenḡimai, me biwiyeṇe kau kau akmâ makmai amâ âlepne nângân. Kristogât pat makbiâ sambelem ariâkgât makmai aregât nângâm mandere biwine âlepne akmap.

Paulo manmangât me momogât ukenṇe konogâk nângâep.

¹⁹ Akto areâk bo. Pilipi ye âkâ nângât akmâ Anutu ulilaṇmâ manbiâ Yesu Kristogât Heakñande tân nugumbo siâ siâ miawakniṇep arekne kârikne

niŋmap aregât bunŋe heronŋe humo miawakniŋmâ âgâwîap.

²⁰ Akto aŋun bo aŋgiwian are nâŋgâre kârigembo hannande nâŋgaŋmâ manbian. Akmâ gan hain âgâk akbian. Manmangât akto momogât hâkne owâiŋe âgâk Kristo kotgâm wanċdere arekŋe egâlian âlepŋe akbiâp.

²¹ Aregât lâuwâŋe makbe. Hânân manman amâ Kristogât akmâ manman. Dâ hinŋe mombian amâ hainâk wan me wan âlepŋe dondâŋe miawakniŋbiap.

²² Dâ hânân dewatim manbianân âmâ âigât bunŋe gaetŋe mem miawakbian. Dâ aregât âmâ wan arekŋaetgât owâiwe dâm makmâ han lâuwâ aktân.

²³ Nâ siâ me siâ miawakniŋdo han lâuwâ akman aregât biwine umatŋe aktâp. Hinŋe mom âmâ Kristo olop manmâ âgâwian. Aregât nâŋgâm ukenŋe aktân.

²⁴ Dâ ye mându akbâi gârâmâ yengât akmâ hânân gaetŋe dewatim mandere ârândân akbiap.

²⁵ Aregât hin nâŋgân. Anutuŋe makto nâ ye olop manmâ tân yengure nâŋgâ nâŋgâyene humo akto biwiyene Yesugâlân katbiâ kindo heronŋe akbai.

²⁶ Akto nâŋe hinŋe togom tân yenguwian aregât Yesu Kristogât akmâ nâŋganiŋmâ heronŋe akbai.

Tân agu agu akmâ manbaen.

²⁷ Galalupne, den umatŋe ire makyenċire nâŋgâŋet. Nâ togom yekbian me kâlêwâŋen manmâ yengât pat âlepŋe nâŋgâwian aregât hin akbei. Ye Kristogât pat bâliwopgât agak meme âlepŋe areâk mem manmâ âgâwei. Hain manmâ

biwi konok akmâ tân agum den pat âlepne makmâ hâk hilâlâm olowâk hanâk manmâ âgâwei. Akto gasalupyenande mem ge katyekberâmbiâ âmâ hanâk hamep bâlâk âi mem manmâ âgâwai.

²⁸ Tân agu agu akbiâ gasalupyenande hamep meyenjimbiâ kârikneye bo yeugewiâp. Hain akto Anutune yâk hepunekbiap dâ ye meyekbiapgât keine mem miawaktâp.

²⁹ Aregât lâuwâne makbe. Anutune ye biwiyene Kristogâlân kali areâk bo nângâ yengimap. Amâ Anutune ye biwiyene yâkgâlân kali akto yâkgât akmâ hâk hilâlâm kaknân mannjetgât hârok Anutune nângâ yengimap.

³⁰ Nângâ yengimbo ye hainâk akmâ nâne hâk hilâlâm kaknân âi meân are egi. Dâ hinne mandere aregât pat nângâi are amâ manman âi areâk yene hainâk mandâi. Anutune ye hain akbaigât magep gârâmâ gasalupyene yengât hamep bo akbei.

2

Yesune uliknân aknengiepgât nenâkâ areâk akbaen.

¹ Galalupne, Kristone tân yengumbo biwiyene sândugemap aregât akto Kristone okot akyengimbo herone akmai aregât akto Anutugât Heaknande tân yengumbo okot âlep agangim han kalemne miawakyengimap

² aregât nângâ nângâ konok katbei. Akto hanyenande konok tânaguwei. Akto gala konok manbei. Hain akbiâ âmâ okot âlep nângâm herone humo nângâwian.

³ Akto areâk bo. Yenjaet nângâ anjimbîâ bo agat-biâp. Bo. Hin akbei. Yenjaet nângâ anjimbîâ gembo âmâ galalupyenje yengât nângâ yengimbîâ âgâwîap.

⁴ Akto siâne ikinjaelâk siâ siâ akmâ hejgemgowiap akto aregâlâk bo. Galalupyenje yengât nângâm wan me wan bâlim yendo hejgemgowei. Ye hârok hain akbei.

⁵ Yesu Kristo hânân manmâ gain gain agep? Ye han hainâk nângâwei.

⁶ Yâk âmâ ikinjaet nângâmbo bo âgâep. Yâk âmâ Anutuñe manmap dop hainâk manmap. Akto Anutugât dop bo gangerâep.

⁷ Bo. Yâk ikinje manmanñe hepunmâ âmâ Anutu olop dop konok malep are hepunmâ hon luâk hainare akmâ malep.

⁸ Yâkgât gegeñe akmâ manmâ Anutugât lau lokom âmâ moep. Akto lâwinân momberâm aregât hamep bo akmâ moep.

⁹ Akto Yesuñe hain agepgât Anutuñe mem agatmâ kotñe humo kondo are nângâenñe humo akmâ kot patnenñe ewangiâp.

¹⁰ Akto Anutuñe hânân manden me himbimân mandâi me hân amukñân mandâi nen hârok Yesugât kotñe mem agatbaengât kotñe konlep. Aregât nen hârok Yesugât kotñe mem agatmâ pâwut ligianbaen.

¹¹ Akto nen hârok Yesu Kristo âmâ Humonenñe Anutuñe hungun anđo giep dâenñe Ewenenñe Anutugât kotñe âgâwîap.

Hengem agum mannegât kârikñe akniâm.

¹² Galalupne, Ye âkâ nâ ulikñân ye olop malângât laune lokomini. Dâ hinñe ye olop mandereânâk

bo. Aknângen mandere patne nângâm laune hârok lokowei. Aregât akmâ hengemgo yenjaet bunje peneyengiâkgât hanokoagâk akmâ kaut orewei.

¹³ Imâ yengât dop bo. Anutune yekto âlepne âgâkgât ukennaet akmâ tân yengumap arekne yene laune lokojetdâm kârikne yengimbo biwiyene owâine akmap.

¹⁴ Akto ye dosa me konam bâlâk manbiâ Anutune yekto huraguwiapgât siâ siâ akberâm den kaknân bo hogoangim hâkân akbei.

¹⁵ Hain akmâ âmâ dosa bâlâk akto han kau manbiâ Anutune nanne baratne yektere huraguâp dâm yengondo luâk âmbâle bâlene gulip manbiâ bâlimap yâk yengât hândâk hutjân diâ hinare akmâ pagaleyekmai.

¹⁶ Pagalem kinmâ manmangât den are panâk mem manbei. Hain akmâ makbiâ âmâ Kristone lâuwâne miawakmâ âmâ nâne tân yenguman aregât nektu huraguwiap. Hain akto nâ herone akbian. Akto hinne hâk hilâlâm nângâm âmâ âi bo mem hâumgoân amâ Kristone ekto huraguwiapgât herone aktân.

¹⁷ Akto yene Anutugât sumbe katberâm nânganmâ ulilanmai aregât ye tân yenguwiapgât Anutune makto mombian amâ Anutugât sumbe akbian. Are amâ hanâk aregât herone akmâ ye olop okot âlep nângâm han biwi konok akbaen.

¹⁸ Akto yene hainâk herone akninbai âmâ nen hainâk herone nângâ angiwaen.

Timoteogât den.

¹⁹ Galalupne, den siâ amâ hin makbe. Humo Yesune nângâm âlepne dâmbo âmâ galane siâ Timo-

teo are hunḡun aṇdere yeṅgâlân togowiap. Togom yeṅgât pat ekmâ nâṅgâm purik katmâ nâṅgâlân togo makniṇdo nâṅgâm biwine âlepṇe akbiap. Aregât dowâk hunḡun aṇbian.

²⁰ Akto Timoteogât hin makbe. Luâk siâṇe yeṅgât nâṅgâm han kau olowâk tân yeṅgumap dop hinare siâ bo tatniṇdâp.

²¹ Amâ luâk bikṇande yeṇaelâk nâṅgâm âmâ Yesu Kristogât ukenṇe bo nâṅgâmai.

²² Akto Timoteogât keiṇe nâṅgâmai are. Nanṇande eweṇe tâṅomap dop hainâk Timoteoṇe nâ den den pat âlepṇaet âi tân nugumap.

²³ Yâk âlepṇe akmap gârâmâ aregât gain gain miawakniṇbiap âmâ are nâṅgâm heṅgemgowianân âmâ hunḡun aṇdere togowiap.

²⁴ Akto areâk bo. Humoṇe nâṅgâ niṇdo nunak gai yeṅgâlân dowâk togowian. Hain nâṅgân.

Epapodito kundat agepgât den.

²⁵ Akto den siâ hin. Yeṇe yeṅgâlân gâtṇe Epapodito are hunḡun aṇbiâ togo tân naguep aregât makbe. Aregât hanâk bât tâṅgone akto tembe loko galane yâk dowâk hunḡun aṇdere yeṅgâlân purik katmâ togowiapgât nâṅgâre ârândân aktâp.

²⁶ Yâkṇe nâ umatṇân mandere tân naguep yâkṇe yekbian dâm nâṅgâmbo humo agep. Gârâmâ kundat akto aregât nâṅgâmbiâ umatṇe akto aregât Epapodito yâk okot bâle akmâ umalaṇdâp.

²⁷ Amâ kundat momoṇe kondo momberâm agep. Hain akto Anutune okot âlep akmâ tâṅgom heṅgemgoep. Akto yâk konok bo. Epapodito mondo nâṅgâ yâkṇe âmâ kambiamne dondâ bâliwop dâm aregât heṅgemgoep.

²⁸ Akto hanâk yeñe ekmâ biwiyene âlepñe agâkgât akto nâ nângâm hanokoakmâ manbomgât yâk bo gangerâm hinñeâk hungun anđere yengâlân togowiap.

²⁹ Togombo aregât okot âlep nângâ anmâ Humogât akmâ gala aganbei. Akto yeñe luâk hainare tângom nânganbiâ humo akbiâp.

³⁰ Amâ hingât. Yâkñe yengât lau lokom âmâ ye tân nuguyigât dâp bo tatyengiepgât akmâ tân nugum Kristogât âi hâk hilâlâm olowâk mem âmâ momberâm agep.

3

Propete hiangi luâkñe Pilipi yengâlân ariyi.

¹ Galalupne, Bâin. Den siâ makbe. Humogât akmâ okot âlep olop herone marone manbei. Ulikñân kulemgoân are lâuwâne kulemgom nângâre amâ bo umatñe aktâp. Dâ lâuwâne kulemgoân irekñe âmâ ye kârikñe ketuguyektâp.

² Amâ hin, hiangi luâkñe yengâlân togoâi. Yâk âmâ hâkyene gâi gâigât ukenñe nângâmai. Akto agak meme bâleñe akmai. Luâk hainare âmâ heyengimai. Akto pugaiyañe bau me wan me wan kawutyekmai amâ luâk arekñe dop hainare akmâ kâwutyekberâm togomai. Aregât yenjaet damun agangim manbei.

³ Dâ nen âmâ Anutugât kâmot. Nen Anutugât Heakñande tân nengumbo âmâ Anutugât kotñe mem agatenñe huraguwiâp. Akto Yesu Kristone hen gem nenguep aregât nângâm herone akmâ manbaen. Akto hâkgât wan me wan aregâlâk

biwinenņe bo katmâ âmâ arekņe tân nenguâkgât ukenņe bo nâņgâwaen.

⁴ Akto hâkgât wan me wanņe tân nengumbo huragumap dâine nâ hâkgât siâ siâ dondâ tat- niņmap aregât nâņgâre humo akbop. Dâ hiangi luâk hâk gâi gâigât ukenņe nâņgâmai are amâ hâkgât siâ siâ tatyenģimap are nâņgât hâkgât hârok arekņe ewangiyekbop.

⁵ Aregât nâņgât hâkgât amâ hin maktere nâņgânet. Nâ Israe gâtņe, Bensamiņ yâkgât kâmolân gâtņe miawakmâ yendere hilâm 8 akto hâknân kulem gâinegi. Hebraio nengât agak meme nâņgâre âgâminep. Akto den kârikņaet meme akmâ parisaio malân.

⁶ Kârikņenaet akmâ Yesugât kâmot yenģât gasa agân. Akto den kârikņe are lokore siâņe nekto huraguminep.

Pauloņe Kembugât akmâ kotņe siâ siâ hârok hamianņep.

⁷ Akto yu kulemgoân iregât âmâ ulikņân nâņgâre humo agep. Dâ hinņe âmâ ektere yânņe aktâp. Hinņe amâ Kristogât akmâ nâņgâre wan me wan are hârok âmâ yânņe akmap. Akto aregât ukenņe bonâņgân.

⁸ Nâ Humone Yesu Kristo yâkgât keiņe ekmâ nâņgâre humo akmap. Aregât hângât siâ siâgât nâņgâre humo akminep are hinņe nâņgâre yânņe aktâp. Akto nâ Kristogât akberâm yâkgât pat akmâ siâ siâ hârok ekmâ gagap dâm hepunmâ meteân.

⁹ Akto nâ Mosenņe kulemgoep are lokom dosa bâlâk manbiandân amâ hinņe hepulân. Akto nâ Kristogâlân dewatim nâņgâ anđere aregât Anutunņe

nektō ârândân akbiap aregât ukenñe nângân. Akto nângâ nângâne are Anutuñe ekto ârândân akbiapgât dop bo tatniñdâp aregât nângâ nângânaet nângâre giep.

¹⁰ Gârâmâ hingât nângâre humo aktâp. Momonânba agatbiangât nâ Kristo biwinande nângâ anðere Kristo momonânba agalep arekñe wâtñe niñdo yâk hâk hilâlâm nângâm moep

¹¹ are dop hainâk akmâ nângâm yâkgâlân dewatim momonânba agatbiangât nângâm bo mesokbian are nângâre humo akbiap.

Pauloñe kârikñe akmâ horalân pirâm ariep.

¹² Galama, yu kulengoân imâ emelâk hârok mendere huraguâp dâm aregât bo maktân. Bo. Yesu Kristoñe menegepgât agak meme âlepñe mem miawak niñâkdâm âi kârikñe mem manmâ gan.

¹³ Akto agak meme âlepñe are miawakniñbiap are pânân boâk meaktân. Aregât hin konok akman. Nâ nunaet nângâre hain bo aktâp. Dâ siâ me siâ hepulân are hamianman. Akto wan me wan meân are ektere yânñe aktâp. Dâ agak memene âlepñe huragumap are hârokgât ukenñe nângâm are miawakniñâk dâm âi humo meman.

¹⁴ Akto Anutuñe Yesu Kristogât akmâ himbingât pat oloñ nekmâ hâuñe âlepñe katniñep are mem miawakberâm dewunnande tâñâk ekmâ âi humo mem pirâm kaut oreman.

¹⁵ Nâ hain akman aregât kaulem humo agion nen hârokñe aregâlâk kârigem nângâm maniâm. Dâ siâ me siâ siâgât nângâmbiâ dâpñe siâ akbiawân

âmâ âlepne Anutune hanyene mem pagalembô âlepne nângâm kotgâwai.

¹⁶ Akto nen hârok hin aktenne huragumap. Nen keinjân agak meme âlepne are hârok emelâk mendenne ârândân agep are hârok miawagâkgât agak meme âlepne hainâk mem metewaen.

¹⁷ Galalupne, ulikjân akyengire nekmâ hainâk watnekbei. Akto luâk bikjande nen manmaen dop hainâk manmâ akyengimai are ekmâ nângâm hengemgowe.

¹⁸ Dâ luâk bikjande Kristo lâwinân moep aregât den mem ge katberâm akmai are hain bo akbei. Yâk yengât keiyene emelâk makyengim mandân. Imâ indem kambiamne bâliâpgât lâuwâne makyengiwe. Yâk âmâ Yesu lâwinân moep aregât den pat âlepne gasa agarjmai.

¹⁹ Akto luâk âmbâle hainare âmâ hambâi hâune bâlene umatne miawakyengimbo itinj gulam akbai. Dâ hinne âmâ sotgât akmâ aregâlâk nângâmbiâ humo akmap. Akto siâ me siâ anjonne olowâk aregâlâk nângâm herone marone manmai. Akto hângât kotne siâ siâ han nângâ nângâ yenjande lâwindâk mem metemai.

²⁰ Dâ nen âmâ hain bo akbaen. Nengât kepia bunne amâ himbimân tatâp. Ainba Humonenne Yesu Kristone hengem nenguwiap Humo arekne lâuwâne gewiap yâkgât lâmgom manmaen.

²¹ Hain mandenne miawakmâ luâk siâ me siâ hârok mem ge katyekmâ ikinje amukjân hâwuruyekbiapgât kârikne yeandâp. Kârikne arekne hâknenne mem manmaen ire mem purik kato ikinje hâkne hainare pagalene olowâk miawakbaen.

4

Pauloŋe galalupne biwi konok kinmâ herone akŋetgât magep.

¹ Galalupne, biwinande yengât dondâ nâŋgâmâk aktâp. Ye âmâ nâŋgât egâlianlupne aregât wan kulemgoân are watmâ âmâ benŋe Kembu olop manmâ kârigem henŋemgowai.

² Akto yengâlân gâtŋe âmbâi lâuwâ kotyetŋe Euodia akto Sintike yet kuk akmandat are yetgât hin makyetkire nâŋgâet. Humogât akmâ biwi konok akmâ manbiandat.

³ Akto yengât damun siâ tânnugumat gâ hin makŋindere nâŋgâ. Gâŋe âmbâi lâuwâ yetkondân are tân yetkumenâ biwi konok akmâ âlepŋe manbiandat. Akto areâk bo. Luâk siâ kotŋe Kelemento akto gala bikŋe yâkŋe pat âlepŋaet âi aregât tân nuguyi are yengât kotyene amâ manman kârikŋaet kulem esennân kulemgoep aregât tân nenguyiat aregât tânyetkuwen.

⁴ Galalupne, ye hârok yengât hin makbe. Ye Humogât akmâ biwi kambiamyene herone akmâ manbei. Aregât lâuwâne makbe. Humonenŋande wan me wan akmap aregât nâŋgâm âmâ biwi kambiamyene herone manbei.

⁵ Akto Humonenŋe ewumâk aknengiâpgât luâk hârok yeukŋe lumbe akyenŋimbiâ nâŋgâwai.

⁶ Akto wan me wangât nâŋgâm âmâ horat gorat me hanokoak bo akbei. Bo. Hin akbei. Hokboâk hokboâk hingât me haingât akmâ Anutu me-paimŋe mem ulilanmâ makmâ manbei.

⁷ Hain akbiâ aregât Anutuŋe memene akyenŋimbo biwiyene sândugewiap are luâk

nen ewanginenekmapne han nângâ nângâyene Kristo Yesugâlân mendugum kondangombo yem kârigewiâp.

⁸ Akto galama den bâine ire makbe. Wan me wan bunne me wan me wan siâ âlepne agakne olop are nângâmbiâ humo akto aregâlâk nângâm manbei. Akto wan me wan siâ luâk âmbâlene nângâmbiâ âlepne akmap me Anutune ekto ârândân akmap me wan me wan bâlene bo aregâlâk nângâm manbei. Akto wan me wan ekmâ Anutu mepai anmâ herone akmai are hârok nângâm manbei.

⁹ Akto nâ wan me wan akmâ meân a hainâk akmâ manbei. Akto siâ siâ makmâ ligim yengire nângâyi a hainâk akmâ manbei âmâ Anutu lumbe ambonande ye olop mando biwiyene sândugewiâp.

Pilipi gâtnande Paulo tângombiâ Paulone Anutu mepaimne miep.

¹⁰ Galalupne, uliknân wan me wan akniñberâm dâpgât kulâgâtmâ hâumgoyi. Hâumgombiâ umatne miawagep. Dâ hinne dâp miawak yengimbo kambiam owâinân tân nugum puli katbiâ togoep. Togombo okot âlep humo nângân.

¹¹ Akto puligât me siâ siâgât umburuk akmâ bo kulâgâtmâ manman, akto niñnetgât bo makyengiân. Akto siâ siâgât bo egâlianman. Nâ wan me wan siâ tatniñdâp me umburuk mandân aregât kambiamne bo bâlimap.

¹² Nâ mesak gosak umburuk mandân me wan me wan undup yeniñdâp amâ âlepne mandân. Nem tepne pikto manman me mop manman

aregât keiŋe hârok nâŋgâm meteân aregât hin me hain siâ me siâ miawakniŋdo âmâ âlepŋe manman.

¹³ Aregât keiŋe hin. Kârikŋe niŋmapŋe yâkŋe tân nugumbo âmâ wan me wan hârok akmâ meteman.

¹⁴ Dâ yeŋe âmâ kambiam bâliân mandere tân nugum heŋgem nuguyi aregât nâŋgâre huraguâp.

¹⁵ Akto ye emelâk nâŋgâi. Nâ den pat âlepŋe mem yeŋgât hân humo kotŋe Makedonia ain togoân. Ain pup pup togom âmâ makyenŋire nâŋgâm metembiâ âmâ hepunyegân. Hepunmâ hân siângen ain mandere Yesugât kâmot siâ siâ bo tân nuguyi. Pilipi gâtŋe yeŋe konok amâ tân nuguyi.

¹⁶ Akto ye hepun yekmâ Tesalonike kepiân mandere hâkgât siâ siâŋe tân nuguâkgât katbiâ togoep.

¹⁷ Akto nâ ito me puligât bo egâlianân. Bo. Yeŋe tân nugumbiâ aregât Anutuŋe hâuŋe âlepŋe akyenŋimbo manman âlepŋân manŋetgât nâŋgâman.

¹⁸ Akto wan me wangât ulikŋân undâgâtmâ mandere Epapoditonŋe yeŋgâlânba mem togo niŋdo âlepŋe mandân. Akto yeŋe nâ wan me wan niŋi aregât nâŋgâre benŋe Anutuŋe âkâ nâŋgâmbo sumbe âlepŋe higenŋe olowâk heronŋe akmâ âgâmbo nâŋgâmap dop hainâk aktâp.

¹⁹ Akto yeŋe tân nuguyi aregât hin nâŋgân. Anutu damunne akmap yâkŋe Yesu Kristogât nâŋgâm akyenŋiwiap. Akto wan me wan akyenŋiwiap amâ yânŋe bo. Pagalenânba Yesu Kristogât akmâ wan me wangât yeŋe umburukŋe akbai are ârândânŋ akyenŋiwiap.

²⁰ Akto Anutu Ewenenŋe yâkgâlâk âmâ kotŋe

mem agatmâ herone marone akmâ âgâwaen. A bundâk.

Den bâiŋe.

²¹ Galalupne, nâŋgât den bo aktâpgât nâŋe Yesu Kristogât kâmot yengâlân manmai are yengât nâŋgân are makyengiwei. Akto galalupne Yesugât kâmot nâ olop mandâi yâkŋe hainâk yengât nâŋgâ yengiâi.

²² Akto in âmâ Roma luâk Sisa yâkgât hon bawalupŋe yengâlân gâtŋe bikŋe biwiyenŋe Yesugâlân kali yâkŋe gai nâŋgâyengiâi.

²³ Akto Humonenŋe Yesu Kristone damunyenŋe akto biwiyenŋe sândugeâkgât ulilandân.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

03f82704-6ad1-5094-a78e-e240d9f2d4f8